



MEMORANDUM

O RAZUMIJEVANJU, STRUČNOJ SARADNJI I UZAJAMNOJ PODRŠCI U ISTRAŽIVANJIMA U OBLASTI SIGURNOSTI

Zaključen između:

Federalne uprave policije (u daljem tekstu FUP), sa sjedištem Mehmeda Spaha 7, 71000 Sarajevo, koju zastupa v.d. direktor, glavni inspektor, Vahidin Munjić,

Univerziteta u Sarajevu - Fakulteta političkih nauka (u daljem tekstu Fakultet političkih nauka), sa sjedištem u Ulici Skenderija broj 72, u Sarajevu, koga zastupa dekan fakulteta prof. dr. Sead Turčalo.

U daljem tekstu: Ugovorene strane.

1. UVODNE ODREDBE

Imajući u vidu značajnu ulogu nauke i struke u unapređenju poslova unutrašnje sigurnosti kroz aktivnosti Federalne uprave policije i Fakultet političkih nauka utvrdili su potrebu saradnje u oblasti sigurnosti koja se izučava i naučno-stručno verificira kroz nastavne i naučno-istraživačke aktivnosti Fakulteta političkih nauka.

Federalna uprava policije izražava namjeru za saradnju, a Fakultet političkih nauka prihvata ponudu, da se budućim zajedničkim aktivnostima unaprijedi oblast unutrašnje sigurnosti u Federacije BiH.

Imajući u vidu kompleksnost savremenog sigurnosnog okruženja, preventivne aktivnosti u smanjenju opasnosti i prijetnji postiže se isključivo zajedničkim-bilateralnim djelovanjem institucija.

Memorandum je potvrda opredijeljenosti ugovorenih strana za stvaranje novih struktura saradnje, odnosno novih sredstava i načina rada kako bi se eventualni uzroci objektivnih opasnosti spriječile ili smanjile.

Vidovi, oblici i vrijednost podrške, pomoći i saradnje uređuju se aneksima Memoranduma na osnovu inicijative ugovorenih strana.

2. PREDMET MEMORANDUMA

Fakultet političkih nauka i Federalna uprava policije imaju za cilj da uspostave saradnju na promovisanju akademske i institucionalne saradnje između dvije institucije.

Ovaj Memorandum će poslužiti kao opći okvir za institucionalnu saradnju, a olakšat će dalje razvijanje specifičnih programa saradnje od obostranog interesa.

3. MODALITETI SARADNJE

3.1 Predmet saradnje koju uređuje ovaj Memorandum podrazumijeva modalitete uzajamne podrške u oblastima:

- a)** naučno - stručne saradnje u razvoju metoda procjenjivanja i analiziranje sigurnosnih rizika i prijetnji i načina odgovora na rizike i prijetnje;
- b)** organizacije i učešća u obukama, seminarima, radionicama, vježbama i drugim specijalističkim modulima usavršavanja i drugim značajnim događajima u Bosni i Hercegovini i u inozemstvu;
- c)** ekspertne pomoći i razmjena stručnjaka u unapređenju i izradi strategijskih dokumenata, te razmjene akademskog i stručnog kadra u redovnim i posebnim edukativnim procesima u kojima strane učestvuju;
- d)** saradnja u programima osposobljavanja zaposlenih u organizacijskim jedinicama potpisnica ugovora;
- e)** stručna pomoć u istraživanju za potrebe znanstvenih magistarskih i doktorskih radnji, što podrazumijeva i raspolaganje određenim podacima u obostranom interesu;

f) proučavanje problema od zajedničkog interesa i načina njihovog rješavanja.

3.2 U predmet Memoranduma će biti uključeni i drugi oblici saradnje u oblastima unutrašnje sigurnosti iz nadležnosti Federalne uprave policije utvrđenih Zakonom o unutrašnjim poslovima Federacije Bosne i Hercegovine ("Službene novine FBiH", broj 81/14), o kojima Ugovorne strane postignu saglasnost.

3.3 Aktivnosti predviđene ovim Memorandumom će biti implementirane u toku saradnje između Fakulteta političkih nauka i Federalne uprave policije kroz projekte čiji će sadržaj, ciljeve i ostale elemente uključujući i rokove i finansijske aspekte dogovoriti Ugovorne strane.

4. ODGOVORNOST ZA IMPLEMENTACIJU MEMORANDUMA

Za implementaciju Memoranduma su odgovorni potpisnici. Ugovorne strane su saglasne da se u izradi i implementaciji projekata mogu angažirati naučnici, istraživači i eksperti kao vanjski saradnici. Za svaki konkretni projekt potpisnici Memoranduma će formirati stručna tijela, u ovisnosti od vrste i prirode projekta.

5. RELEVANTNI PROJEKTI UVJETI UGOVORENIH STRANA

Fakultet političkih nauka kao osnovni preduvjet saradnje naglašava akademsku autonomnost Fakulteta, shodno zakonskim i podzakonskim aktima koji uređuju pitanja naučno-istraživačkog rada.

Naglašavajući volju i spremnost da pomogne u realiziranju budućih projekata i saradnje Fakultet političkih nauka pravo autonomnosti rada adresira na pravo samostalnog odlučivanja o korištenju intelektualnih, materijalnih, finansijskih resursa po svim stavkama.

Federalna uprava policije saglasna je i spremna da, shodno zakonima utvrđenim nadležnostima i planiranim sredstvima za realizaciju projekata, dogovara i ugovara s Fakultetom političkih nauka zajedničke aktivnosti iz Memoranduma u svrhu efektivne i efikasne realizacije zadataka u izgradnji i razvoju kapaciteta Bosne i Hercegovine za sigurnost, zaštitu građana i materijalnih dobara.

6. ZAVRŠNE ODREDBE

Svaka strana potpisnica Memoranduma u pisanom obliku može predložiti drugom potpisniku izmjenu, dopunu ili raskid ovog Memoranduma.

Memorandum se zaključuje na neodređeno vrijeme, a stupa na snagu nakon što ga potpišu ugovorne strane.

Danom stupanja na snagu ovog Memoranduma prestaje da važi Memorandum o razumijevanju, stručnoj saradnji i uzajamnoj podršci u istraživanjima u oblasti sigurnosti potpisan između Federalne uprave policije i Univerziteta u Sarajevu-Fakulteta političkih nauka, dana 10.12.2021. godine u Sarajevu, broj protokola Federalne uprave policije 09-45-1-2700 i broj protokola Fakulteta političkih nauka 01-3-16751/21.

Ovaj Memorandum o razumijevanju i saradnji potpisan je u 4 (četiri) istovjetna primjerka, gdje svaka ugovorna strana zadržava po dva primjerka.

Potpisano u Sarajevu, 26.09.2024. godine.

Za Federalnu upravu policije:

V.D. DIREKTOR
Glavni inspektor

Vehidija Mustić

Za Univerzitet u Sarajevu -
Fakultet političkih nauka:

DEKAN

prof.dr. Sead Turčalo

Broj protokola FUP:

11-04-3-2961/24
26.09.2024.g.

Broj protokola FPN UNISA:

01-3-1532-1/24
26.09.2024.g.